

Tibilii hu nɪrɔrɪ dɪ fɛv rà

Dɪ ther jʊrpar sɪ sɪ tu a jɪ dɪ do samɪnɪ kɛ cɔtoɔ sʊnɔ na fɛv caar rà hananɪ, nà ɛɛ punu kɛ makhanɪ, a doni thɪn pemnania?, n gbɛwa a do cɪr sɪ deeduur à n ha le baan?. Ɛr n gbɛwa a do cɪr sɪ dɪkhan wo cʊpa sar nà haar?yii ha kɛ dɪ kɛɛ bʊnɔ,

Dɪ ther jʊrpar sɪ sɪ tu a jɪ, mɔ wa tʊroni sɪ a guura Tibilii hu kaanke a hananɪ hɔɔa?, dɪ dor nɔɔ, sɪ ado teehuu kpɪɛr jɪna kpoori kɛ wʊ n kpoo wɔrɪnɪ, dɪ n jama. Sɪ dɪkhan wo thɪn kontinn kɛ hanɪ tɪbɪlɪi kpɪɛr rà, a tini gbelengbelen nɪna, do dɪ kɛ wa thɪnɪ a do kaanke teehuu sʊnɔ na ná phɪrɪnɪ nɔɔa?; sɪ wʊ hana tuur, wʊ ?li taarɪ, maar kɛ n kʊ yɛnɪ cillo nà bɔkʊ kontinn ɪn tɔ dɪ hʊnɔ yɛr.

Dɪ ther jʊrpar sɪ sɪ tu a jɪ dɪ fɪrrɛ, Tibilii hu ra ɪn ?li cɛɛrɪ dɪ the jɔfa sar rà, dɪ ha mɛ thɪɛn ná fɪr wʊ, a kpɪɛr a thʊnɔ sɪ a ɪr a jamano pesidan puu sʊnɔ kɛ n kʊbɪrɪ tɪbɪla nà ɛ n hʊɔl yɛrɪ dɪ n ha na nɪ yɛ kora?.

Dɪ ther jʊrpar sɪ sɪ tu a jɪ dɪ fɪrrɛ dɪ dɪ sʊnɔ ná ?li bulli dɪ nawɛ ná khɔn ɛɛ thɪnthɪnn,

Dɪ ther jʊrpar sɪ sɪ tu a jɪ dɪ do le Jɔfa Sɛbɛ bʊnɔ na, dɪ sʊnɔ kɛ kpanɪ gbɛv, ɛɛ too sʊnɔ burre nɪna gbelengbelen ɛɛ tuur kɛ wʊ hananɪ Tibilii tɔntɔn pununɪ na, samɪnɪ na nà teehuu dɪfɪ rà, na mɔ kɛ kɔna nà khera makhanɪ jɔfa ɪrɪ rà. Sɪ dɪkhan wo, wʊ turi khor sɪ wʊ faa hʊɔ tɪbɪla fɛv ɪn gal ?yɛkʊlʊɔ, sɪ wʊ thɪnn jɔfa kɛ ná cʊbɪnɪ dɪ deeduur ná ha fɪv nakɛa?,

Dɪ ther jʊrpar sɪ sɪ tu a jɪ sɪ dɪ sʊnɔ na gbɛvɪkha turina ɪlfɛrɪ wʊ bulkha nà Dɪ sʊnɔ kɛ ra gbɛvɪ Gbulun, waan jʊr mɔ dɪ sʊnɔ fɛv, par rà fɛv, ná fʊnɪ sɪ wʊ gbarɔ yʊv Tibilii hu nà ɛ tɛɛna yɛnɪ dɪ wa sɔl na cʊv dɪ deeduur ná ha baan?,

Dɪ ther jʊrpar sɪ gbɛvkhadara ra tu a jɪ sɪ guurkha jɔfa sʊnɔ le rà ra na mɔ deeduur a hanɪ baan?, dʊbɪnn thɪn kontinn karonɪ ɛ fɛv rà , wa gbani wʊ cʊbna ɪrɛ hanɪ ɛɛ kpɪɛr rà, wʊ tʊronina ɪlfɛrɪ,

Jʊrpar sʊnɔ kɛ rà ra dɪ the sɪ gbɛvkhadara ra gba thɪn Nɪrɔrɪ kɛ doni Tibilii hu, thenɪ Dɪ sʊnɔ kɛ rà kpanɪ gbɛv kpɪɛr rà, a nɪna dɪ sɔl dɪ do thɪɛn kɛ dɪtoona nà dɪ sʊnɔ na fɛv n bulnɪ dɪ waan ?yaal. A dɪ ha mɛ tɪbɪla fɛv nà gbulunɪ sʊnɔ na fɛv kɪɛr dɪthɪ rà naa kpɪɛra bɔɔ fɛv Nɪrɔrɪ le ra, wʊ fɪr ɛɛ bara sɪ waan dɪr tɪbɪla, waan dɪra bɪsana wʊ punu wʊ khɔn jɔfa le raa dɪfɪ rà sɪ wʊ jɪ deeduur caar ra fɛv pɪɛ. Dɪ mɛ na, gbe gbe, wʊ gba fɪlwɛ, dapa kɛ wʊ hanɪ nà kaanke ɛɛ punu khunɪ, wʊ cʊv mɔ wa cʊbɪnɪ sɪ tɪbɪla sʊnɔ kɛ hanɪ le dɪ sʊnɔ kɛ rà ra kpanɪ gbɛv thɪnthɪnn, wʊ tʊro sɪ wʊ cʊv par rà fɛv mɔ dɪ sonina sʊnbɔr.

Varpar 1

Teehuu sʊnɔ n ther ɛɛ nɪ bʊnɔ wa n do deea? sɪ wʊ n makha samɪnɪ na nà hu tɪnɛpar rà. Thangba tɪ yɛr à pɛ yɛr jɪr nà fɪlwɛ sɪ a teena waan fʊkha omkhaa.

Varpar 2

Tibila fev punune wu so jɔfa ra fev na mo deeduur a hanɪ baan?, soni kɪɛ Nɪɾɔɾɪ kɛ rà, ɛ dɪ tɪɪ. Si lee kpini náa harɔ nake dɪ do, caar, teebirduur yaa dabuloduur, kuunduur yaa kherduur, ca thɪmɪɪɾ, ɪ hukpapa, mo inte in kpiɛɾni dɪɪ n gbɛɛsɪnɛ hana yaa inte kpiɛɾ ha nà haanɪ da, dida dɔɔn inte doni yaa ɛ n cɔɔnɪ intɛɛ dɔɔ, ler, kɔnpar yaa thin ca dɪkha, dɔɔnn nɔɔa?.

Dɪ nake wo, leeri náa ha le sɪ a ha fɪɪɪ nakea? dɪ do intɛɛ dɪ yaa ɔɔ bän gbɛɛnsɪ, sarwe tipar, ɛ a doni kaanke a n kanɪ, dɔ nɔɔa?; a do nake dɪɪ le ra yaa bäänn le ra a hana ɔɔ thethɛɛ punua? yoo, aa ha dɪ nyɔkɔɔ, aà hana huɔ a cɔɔ thɛan? yaa wu pɪɛɾ wɔɾ thin dɪkha rà dɪ aà hana pununi caan?, da do nɔɔ dɪ leeri ná haa?.

Varpar 3

Tibil woo tibil tɛɛnane yiri, a tɛɛnane a ná do deea? sɪ aà tɛɛna wu fɔɔ pɛɛ ra pɛɛ wu khaann kaso rà sɪɪ do wa kɔɔ kɪɪ ʔyɪɛ guur ɔɔ soa?.

Varpar 4

Tibil a tɛɛna wu tuu deeduur rà yaa waan huɔɪ wɔra?; deeduur ra nà deether ra náa ʔla ha le baan? sɪɪ do gbe yɪ nakea?.

Varpar 5

Tibil a tɛɛna wu dɔɔyaaa? yaa wu pɪɛ pɛbaan yaa wu cɔɔ wu cɔɔ ca dɪkha kɛ puuronɪ, a tɛɛnanɪ dɪ cɔɔ tibil làa? yaa dɪ phiia?.

Varpar 6

Tibila fev tɛɛnanɪ par fev kɛ wu hanɪ tibila n hana tuur ɛɛ jɔfa rà.

Varpar 7

Tibila la fev makhar jɔfɪ raa ʔyɛkɪɪɪɪ, sɪ a hana huɔ jɔfɪ ra n cɛɛ yɛ cɛɛ biɛɪ sɪ a ná pɛɾɾɛ pɛɪɛ Tibila fev hanane huɔ dɪ wa cɛɛ yɛ cɛɛ biɛɪ thin caar fev kɛ rà n pɛ yɛɾnɪ leeri nà cɔɔpa caar fev kɛ pununi dɪ ɪna yɛɾ leeri, sɪ dɪɪ n dɪ Nɪɾɔɾɪ kɛ rà.

Varpar 8

Tibil woo tibil hanane huɔ vɔɔn a so soguurpar kɛ rà, le dɪɪ rà, jɪɪɾ, ɔnɪ a tu thin puu kɛ wu cɔɔ nɛɾnɪ a dɪna cɛɛɛ jɔfa rà sɪ a faana dɪɪ raa hu kɛ a ha nɪnɪa? yaa cɛɛɾɪ kɛ jɔfɪ ra n cɛɛ nɛɾ nɪa?.

Varpar 9

Tibil ná punu wu fɔɔ yaa wu khaann wu kaso rà yaa wu welen wu nà fanga wu faa dɪ banwɔ daʔbuul làa?.

Varpar 10

Tibil woo tibil hanane huɔ ʔbilami a makha nà ɛ, dɪ wa guur ɔɔ so tɪɪɪ fev ʔyɛkɪɪɪɪ, soguurpar rà kɛ hananɪ dapunu, à n kunkuunia?. ra ná nɛ wɔɾ ɔɔ jɔfa nà ɛ tɛɛnanɪ dɪɪ ná cɔɔ, sɪ a ná suu, huɔ kɛ dɪ kpanɪ sɪ dɪ waan guur wu sor, wu fɔɔ wu khaann.

Varpar 11

Tibil woo tibil ke wu n baalonu di n ho or cuu thin puu, aa do sopucuurdaar pia? foo wu guur co so tibia fevu pyekuluu wu yee di aa hana hua?. Wa cuure mo wa cuuni le guurpar ra si wu pyaal jofiji wu haa, a mu thumir ra a haa si a punu a pe wor.

Tibili woo tibil na lon kaso ra sui do daboo ke a n koo cuuni sopuu le yaa a koo dinani thin bo ca dikha cuuri, di raa jofi yaa di kpii jofi a koo thera ye di n do sopua?. Dikhan wo wa khaann tibil ye nuu in jo e jofi soni wu hana inte boo ke sopuu ra kooni cuu?.

Varpar 12

Tibil woo tibil a teena wu lloo co thethee yi ra, co cotoo ra, wu lon co coa? yaa wu kher co letere wu hiinna? yaa wu pie wer nuua? yaa wu phii si kue wu iri, sui do hoo a hara?. Tibil woo tibil teenane jofi ra in ceu wor lloori ra na phiir caar caar ra.

Varpar 13

Tibil woo tibil hanane hoo a naa kpaar ba? a si a pyaal co toopa di ukhaa thinthiinn.

Tibil woo tibil hannane hoo a the di fev ra, co thethee duu a bo hara?, a kpaar, si a bur a cer a in.

Varpar 14

Boo ke kpoori uru, tibil woo tibil hanane hoo a pyaal wanpar di wa faa wu di na gal di banwo.

A na punu na so uni hanane hoo llo uni fuu uni lon di kpii ra si sunbor a cuure sopu kontinn a dina tibia fev ra, yaa e a cuuni n guu Di suno ke kpani gbevu kperno ra si a ha kpii na e wu n turoni, di waan pyaal wu nake juuwei wu fua?.

Varpar 15

Tibil woo tibil hanane hoo a do didaar.

Tibil woo tibil na punu wu taa wor co didadoa? yaa wu kue hoo ke a hanani a dona dida kpiia?.

Varpar 16

Boo ke kuunbir ra na kherbir ra naa valani, wu hanane hoo wu he kha wu konkha bisana si da do caar, didaduur yaa inte hukpapa duunn koo a nyaaro nake gbea?. Wu tene hoo a makha her ra na mo her ra na puoni a dana co kuurpa.

Her ra na punu na cuu si ado wedara ke na henikha tunena haar fev sui do thien a fir yea?.

Cuur ra duonn di fev ra thoon ke Thangba tini, a dona cece thoon, si a hana hoo, a teena tibia la fev na di ra fev in ber wor.

Varpar 17

Tibil woo tibil, aa ha biel yaa wu jooɓɓe, a hanane huc a hana co konkonthien.

Tibil woo tibil na punu wu taa wor co konkonthien?

Varpar 18

Tibil woo tibil hanane huc a kpiera thien, a hana filwe si a kpa huc ke peni haar, si thien na fir waa?; di hu ure ra n nirɔɓɓe a punune a fi a kpa hu kpai si thien na fir waa?; di dikhan wo di n nirɔɓɓe a hanane huc a ɗla nirɔ gbelengbelen co hu ke a kpani yaa thien ke a jini, ado dibara a yaa wu bulle too, ado nake tee jo ra yi yaa dikhanpa yi, di ther diiri ra, cuurpa caar caar ra, fuuri ra, na huɗyur caar caar ra si thien na fir waa?.

Varpar 19

Tibil woo tibil hanane huc a pal bine si a mi co binthimi si thien na fi waa?; di n nirɔɓɓe huc a haro di wa tuu maar bunɔ di do co kpierɔɔ nɔɔa?; di di n ka nirɔɓɓe huc harɔɓɓe di na ɗyaal a na fu thin nirɔɓɓi kpierɔɔ ke haani yoo si a na gba e a pununi a na miina di wa nie di suno na fev si leeri na haro nake gbea?.

Varpar 20

Tibil woo tibil hanane huc a gbɛukha na tibila si a ha gbuluni na kaanke haarɗyii hani, si thien na fir waa?.

Tibil woo tibil na punu wu fir wu wu pe gbuluni naa?.

Varpar 21

Tibil woo tibil hanane huc co thethe yaa a ti tibil co irir ra wu bulkha na co dida wu juur thien ke hani le co duc si thien na fir waa?.

Tibil woo tibil hanane huc a do thoma biel thomadopar ra le co duc na tibila fev.

Thoon ke dii raa too nani duɔnn cece thien n ɗbani dihiindara jala di wu n ɗli pununi. Thoon ke ra wu nani teenane di the mo tibila fev phiirni, si muɔli na harɔa?, dihiindara bɔɔ ke wu ɗlaanikha, kunkuuni na harɔa?; di wa nirɔ tibil in ji inte ke wu n phiirnia? yaa a cuu cuu ca dikha dii ho wu n firre tibila? phiirpar ra?.

Varpar 22

Tibil woo tibil mo a hani tibilaa thinthiinn, a hanane huc waan ber wothin puu naa daan thomadopar ra?; wu tiire a thiinn a haa huc di da wor a ji lenlen thien a naa fu, a hana berri thin puu ra le thomadopar ra, gbɛukha na e wu hananikha juur biel; er teena di difi wu di cuu wu a kho baɗa di do buɔ ke ra dii ra n doni, na mo dii suno na bulnikha a do nobie duɔnn nɔɔ; di da the mo di duɔnn n gbɛensini co thethe na lenlen thien ke a hanani.

Varpar 23

Tibil woo tibil hanane huɔ a do thɔma, a ʔyaal thɔma ke a nani si thie ná fir wɔaʔ, a hana nɔɔr a makhana ɛ thɔma ʔyaali là di da wɔr si wɔ jɪl wɔr a hana thɔma a naa do.

Ɛr fev hanane huɔ wɔ ʔli ʔlɔmɪni wɔ makha na mɔ wɔ n doni thɔma a makha si dānbāl wer ná harɔ nake si do gbe di haaʔ.

Tibil woo tibil ke n doni thɔma, a hanane huɔ ado da punune wɔ ʔ wɔ hu kpɪi puuwe náa daan thɔma dopar rà, a ʔli ʔlɔmɪni a di bɔɔkha di tie ná ɔɔ cɔtoɔ, dɪkhan a dɪfɪrɔ, ɔɔ teedo ra naa gaala wɔ ʔyekulɔ.

Tibil woo tibil hanane huɔ a gbɛukha nà ɛkha wɔ kur sintika si a makha nà sintika ɛkha waan hiinn ɔɔ hu kaanke a n doni thɔma.

Varpar 24

Tibil woo tibil hanane huɔ a hiir si a hana bɔɔ a thana jɪɛ si nake wɔ wur bɔɔ rà ɔɔ thɔma do lier si wɔ ʔlɔmɪ wɔ bɔɔ ke a gbanɪ konje.

Varpar 25

Tibil woo tibil hanane huɔ a ʔli ʔlɔmɪni ke bɔɔɔnikha a punu a tonbi bɔɔ ke di si wɔrni, a berna yɔɔ si a naa hiina ɔɔ cɔtoɔ nake wɔ thien waan kho, waan to, wɔ yi cɔpar rà, wɔ gal dɔɔɔɔɔɔɔ wɔ hiinn me a hana huɔ wɔ bul wɔ mɔ teenani thɪlciir ná ʔlii le thɔmadopar a hanane huɔ wɔ jɪl wɔr a ná ku bɔɔ bɔɔ ke àà n doni thɔmaaʔ thɔma kuene wɔaʔ, a ná ku bɔɔ bɔɔ ke di n khuuniaʔ, bɔɔ ke àà pununi baanʔ, bɔɔ ke a doni khikheraʔ yaa bɔɔ ke ɔɔ kher ʔ tɪn bɔɔaʔ yaa bɔ ukha rà mɔ àà hanani thien a tena ɔɔ thetheaʔ da doni ɔɔ jɪ si a cɔɔ yɪaʔ.

Kher ke kɔni bi nà bɪsaann ke a khɔni piaʔ hanane huɔ wɔ bul ye sar si wɔ te ye te sar. Bɪsana na fev n hanane cɛeri a thɔmadopar rà ado nake ɛɛ thi nà ɛɛ ni herkha si a kɔn ye yaa ʔwedaari rà wɔ kɔn ye.

Varpar 26

Tibil woo tibil hanane huɔ a gal nakol a ʔli diiri. A teenane di do pɛɛ wɔ diir wɔ. Bɪsan yɪra kɛɛ nakol wer nake nà cɛɛɛ diiri a teenana wɔ ʔlɔ waraʔ. Bɪsana na a teenana wɔ faa ye cɔɔr si do wa n gal nakolaʔ, di fanga thien. Diiri kaanke wɔ n diirni thɔmaduur nà diiri ke ra n ʔ thɔma, teenane di thu tɪbɪla fev di can; nakolɔ kontin luunn teenani tɪbɪla fev in ʔlaa wɔ ʔluru wɔ makha mɔ inte teenana yenɪ.

Diiri ra teenane di to teeduur daan pɛrɛ, daan gaala ʔyekulɔ si di cɔɔ guuri ke wɔ n guurani Tibilii hu nà mɔ ke cɛɛ rà thien à firni tibil di n do deeaʔ, in ti. Diiri ra teenane a gbɛv tɪbɪla waan ni boboi; ʔyɛkha nà kuuni dii sunɔ naa thɪnthiinn, teebira raa thi yaa dabulo sunɔ naa thɪnthiinn yaa huɔ ke inte kpanɪ, in yɔɔ; si wo diiri teenane di cɔɔ, Dii sunɔ ke ra kpanɪ gbɛv di wɔ n ʔyaal haarʔyii in hana, ɛɛ thɔma ke wɔ n doni naa ʔli bääni.

Thɪɛ nà nɪɛ sunɔ na duɔnn cɛɛ tɪbɪla ke hanani huɔ wɔ ti diir caar ke n gbɛɛnsɪni ɛɛ bɪsan sunɔ waan diira ye.

Varpar 27

Tibil woo tibil hanane huɔ, si thien ná fir wba?, a gbeukha nà ε a toonanikha pa biel waan cuukha ca thien; a hanane huɔ a yiro defiri ε rà wu jini di wu n cuu, wu bulkha jir ra in khon daan gal ?yekulɔ si wu tinekha defiri ke wa ?lini.

Tibila feu hanane huɔ wu cee yer wu ?li defiri, wá gba ye filwe nà thie ke wu tini di the εε jir feu ke rà wu hanani yaa sebehiini na nà nyir rà nà thien ke wu jini di wu n cuu?

Varpar 28

Tibil woo tibil hanane huɔ le ɔɔ duɔ nà di kpil rà , a pier nyanyaani daan?; me da ha si tibilaa hu ke wu hanani na mo deeduur pin, soni kier Niro ri ke rà , in punu di hana fanga mo teenani.

Varpar 29

Tibil hanane ε teenani a cuu dapa ke a tooni; thien ke pununi di cuu dapa rà a tooni ha mo ɔɔ teedo nàa nyirni tibila feu ?yekulɔ na mo thien ná fir wɔɔia?

Mo inte nàa urni ɔɔ hu rà, da doni thien ha le di n fir wba?, àà teena a cuu thien a kaansina jɔfi raa?; jɔfi ra n sor ?bilami aa haann in to difa ɔɔ ɔlonkha a náa saa nɔɔa?, a náa fir wu si a muɔl wba? yaa a dānbāla?. Di jɔfi ra n ?yaale di do kaanke di raa too hanani pununi wu n phiirna dihiindara, thien in ɔɔ, tibila in hana cuu pa bo teenani, wá ?yaal nyanyaani in lona tibilaa thinthiina? si wa ka ná na bocuri tibila feu rà.

Huɔ ke ra tibila hanani na mo thien à n fir yenia? ná punu ná do ye, ha nake gbe, si ado mo ke Di suno ke kpani gbeu n kpierni si a pe haar di hana yia?

Varpar 30

Tibil náa punu fi jɔfi biel nake kier Niro ri ke rà, a di ha mo nake, si a di ho hu dikha ?laare, a ha gbuluni yaa tibil biel, a gbuu yu thini di cuu rà yaa a naa cuu thini puu ke n ?yaalni di nyanyaann tibilii hu ke a hanani na mo thien à n fir wɔɔia?, soni le Niro ri rà raa?